


內科學講義

下冊



三黃丸

川黃連 黃芩 大黃

草薢大順飲

草薢 炮姜 廣皮 半夏 厚朴 甘草

黃黃丸

雄黃 巴霜

嘔吐清水

【症象】心下洋洋兀兀欲吐吐則純水時作時止並無雜合稠粘。

【原因】水飲不節停積胃中濕氣傷脾不能上輸下布。

【診斷】脉多弦滑滑主乎痰弦主乎飲弦而帶滑痰飲之診。

【治療】痰飲橘皮半夏湯風濕家秘神朮湯濕勝一味蒼朮丸胸前飽悶半

苓平胃散。



南京中医药大学图书馆版权所有

【方藥】橘皮半夏湯

陳皮 半夏 生姜

家秘神朮湯 治吐清水。

熟蒼朮 防風 葛根 廣皮 厚朴

一味蒼朮丸

蒼朮一味蒸炒爲細末水法爲丸

半苓平胃散

半夏 白茯苓 蒼朮 厚朴 廣皮 甘草

■嘔吐苦水

【症象】表無外邪。但嘔苦水。或白睛黃綠。或脅肋脹痛。長太息。此胆胃兩家內傷嘔苦之症。

【原因】惱怒傷於肝胆。怫逆升生之令。賊乘中土。則胃家嘔苦水。或飲食填

滿太倉。少陽升發之氣不舒。則胃家亦嘔苦水。

【診斷】脈見弦數。左關弦數。肝胆之熱。右關弦數。腸胃有結。弦而帶滑。痰火

合雜。

【治療】虛者。人參小柴胡湯。實者。家秘清胆湯。挾食者。乾葛平胃散。夾痰者。

合二陳湯。熱甚者。加山梔川連竹茹。

【方藥】人參小柴胡湯

人參 柴胡 半夏 黃芩 陳皮 甘草

家秘清肝湯 治肝邪乘胃。嘔苦吐酸。

柴胡 黃芩 半夏 陳皮 竹茹 甘草 厚朴 生姜

乾葛平胃散 即平胃散加乾葛

■嘔吐酸水

【症象】食入即吐。其味酸餒。或兩肋刺痛。或火冲於面。

【原因】惱怒憂鬱傷肝胆之氣。木能生火。乘胃尅脾。則飲食不能消化。停積於胃。遂成酸水浸淫之患矣。

【診斷】左關弦數。肝火爲患。右關弦數。胃中有火。左關弦滑。胆涎沃胃。右關弦滑。痰飲食滯。脉若濡緩。寒濕氣滯。

【治療】肝火乘胃者。柴葛平胃散。胃中有火。梔連平胃散。梔連二陳湯。痰飲食滯。平胃二陳湯。若酸水浸牙折齒。草蔻丸。大順飲。不用苦寒之藥。

【方藥】柴葛平胃散 家秘治胆火入胃。嘔苦吐酸。

蒼朮 厚朴 陳皮 甘草 柴胡 乾葛 黃連 山梔

平胃二陳湯 卽蒼朮二陳湯見溼痰門

草蔻丸

草蔻 益智仁 青皮 神糲 麥芽 陳皮 蒼朮 厚朴 甘草

【雜論】嘔以聲響名。吐以出物言。故有聲無物曰嘔。有物有聲曰吐。然二者



每相因而至。不必細加區別。要皆胃家所主耳。惟大凡嘔吐。湯藥入口。亦不能受。輕者可緩緩呷服。甚者。可將生薑先擦其舌。否則雖有妙方。亦徒然也。

九 噎隔

■ 熱結噎隔

【症象】向無飲食阻隔。忽爾內熱唇焦。飲食不得下咽。下嚥噎住不通。或下咽而復吐出。煩熱引飲。

【原因】偶逢赫曦之令。或遠行勞倦。時當大熱。燥火燦人。津液內涸。

【診斷】右脉洪數。熱在氣。左脉洪數。熱在血。兩手洪數。氣血皆熱。兩手細數。血燥津竭。

【治療】宜清熱生津。三因麥門冬湯。人參白虎湯。或冲竹瀝蘆根汁。大便閉

結者。三乙承氣湯選用。血不足者。四順飲。便結有寒熱者。大柴胡湯。積熱消陰。元氣弱者。柴胡飲子。

【方藥】三因麥冬湯 通治津竭液乾。嘔吐隔食。

麥冬 知母 石羔 枇杷葉 葛根 山梔 黃芩 陳皮 甘草
竹茹

人參白虎湯

知母 石羔 粳米 人參 甘草 天花粉

四順飲 治便閉血枯者。

當歸 白芍藥 大黃 甘草

大柴胡湯 治便閉寒熱氣壯者。

柴胡 黃芩 廣皮 半夏 甘草 大黃

柴胡飲子 治便閉寒熱氣弱者。

柴胡 黃芩 廣皮 半夏 甘草 人參 大黃

■ 津傷噎隔



【症象】飲食之間。漸覺難下。或下咽稍急。卽噎胸前。如此旬月。日甚一日。漸至每食必噎。只食稀粥。不食乾糧。

【原因】平素憂愁鬱結。五志之火皆動。日夜煎熬。津液乾涸。或膏梁厚味。辛辣炙燂。恣意不謹。

【診斷】脈見沉濇。左寸沉濇。心血枯。左關浮濇。肝血竭。尺脈沉濇。腎水虛。右關沉濇。脾陰絕。胃脈沉濇。胃汁乾。胃汁乾則腸亦結。

【治療】宜生津養胃。二母二冬湯。虛者生脈散。加養血之藥。若凝窒已久。痰涎聚結於胃脘。不可用凝滯之藥。先用清痰清火。開豁化痰。金匱麥門冬湯。沖竹瀝姜汁蘆根汁。以開通中脘結痰。隨以養陰生津治本。若大腸已結者。名結腸。宜以四順飲。緩緩微利幾次。如大腸結硬。略加玄明粉。津液乾枯。承氣不可用。若膏梁積熱。本元旺者。承氣湯或可選用。

【方藥】二母二冬湯

知母 貝母 麥門冬 天門冬

生脉散 見前肺欬

金匱麥門冬湯

麥門冬 半夏 人參 粳米 甘草 橘紅

【雜論】噎隔感熱者易治。以其暫得燥熱不過清之。津傷者難治。以其陰精內竭。一時難復。然尚有輕重。初病者。痰涎未起。可用滋陰。久病者。必強其飲食。以免吐乾胃汁。若悞投燥熱。燥極反見濕象。必至痰涎上湧。熱極反見寒象。必至冷氣上冲。如是則滋陰凝滯難服矣。飲食更須得法。一起忌食乾糧辛辣。竟吃酥粥牛乳。及淡腐漿等。小口漫嚥。漸潤胃管開通。然後嚥下。若吃葷腥。但可漫火煮爛。竟吃濃汁。切不可吃有形硬塊。治以養陰滋血湯等。夫醫者止論用藥。誰知治此症。反在飲食得法。例如飲食傷胃。必要飲食小心。勞動損傷。必要嚥津靜養。方可挽回也。

十 眩暈

■ 風寒眩暈

【症象】頭痛額痛。骨節煩痛。身熱多汗。上氣喘逆。躁擾時眩。此風邪眩暈之症也。若身熱無汗。惡寒拘緊。頭痛身痛。時時冒眩。此寒邪眩暈之症也。

【原因】或風木司政。風熱大作。或體虛不謹。外受風邪。風主乎陽。風熱爲患。則令人掉眩。或太陽司政。寒氣凌逼。或太陰在泉。寒冲頭角。則發眩暈。或疾風暴冷。冒寒入胃。激動涎痰。亦令人眩暈。

【診斷】左脉浮數。太陽風熱。左脉浮弦。少陽風熱。右脉浮數。陽明風熱。右脉滑大。內有痰涎。左脉浮緊。太陽寒邪。左脉弦緊。少陽寒邪。右脉浮緊。陽明寒邪。

【治療】左脉浮數。太陽風邪者。羌活防風湯加天麻黃芩。左脉浮弦。少陽風熱。柴胡防風湯加天麻羌活。右脉浮數。陽明風熱者。乾葛防風湯加天麻。

升麻。右脉滑大。症兼痰涎者。導痰湯。加天麻防風。左脉浮緊。太陽寒邪者。羌獨敗毒湯。加天麻細辛。左脉弦緊。少陽寒邪者。柴胡羌活湯。加天麻川芎。右脉浮緊。陽明寒邪者。乾葛羌活湯。加天麻升麻。大凡眩暈之症。多有兼痰者。故天麻方書多用之。今申明首條。則以下諸條。皆可參而用也。

【方藥】柴胡防風湯 卽小柴胡湯去半夏加防風

乾葛防風湯

乾葛 石羔 知母 甘草 防風

導痰湯

南星 半夏 枳實 甘草 橘紅

柴胡羌活湯

柴胡 羌活 防風 川芎

乾葛羌活湯



乾葛 羌活 防風 白芷

■暑濕眩暈

【症象】熱令之時。自汗身熱。面垢背寒。煩渴引飲。小便赤澁。頭目冒眩。此濕熱眩暈之症。若雨濕之時。惡寒無熱。身重身痛。不能轉側。無汗拘緊。頭旋眼眩。此寒濕眩暈之症也。

【原因】炎夏主令。天之熱氣下降。地之濕氣上升。人感冒之。則爲濕熱眩暈之症。若陰雨太多。人感冒之。經所云濕氣內逆。寒氣不行。太陽上留。亦爲眩暈之症。

【診斷】傷暑之脉。虛而帶數。傷濕之脉。濡而遲緩。暑濕二脉。虛細者多。實大者少。虛緩者寒。虛數者熱。

【治療】煩渴引飲。脉虛帶數者。人參白虎湯。自汗煩躁。小便赤澁。黃連香薷飲。沖六一散溫服。若惡寒無熱。身痛不能轉側。脉遲緩者。羌獨勝濕湯合

朮附湯。

【方藥】黃連香茹飲 見中熱

羌活勝濕湯 治太陽少陽濕熱。

羌活 防風 柴胡 蒼朮 川芎 茯苓 猪苓 澤瀉 黃柏

甘草

朮附湯 見腹脹

■ 燥火眩暈

【症象】身熱煩躁。口渴引飲。夜臥不寧。頭旋眼黑。小便赤澀。

【原因】經謂厥陰司天。客勝則耳鳴掉眩。又云。肝肺太過。善忘忽忽冒眩。此皆運氣加臨之眩暈也。又有時令之熱。感入腸胃。傳於臟腑。上冲頭目。則眼眩旋轉。此人自感冒而爲眩暈也。

【診斷】左脉躁疾。厥陰客勝。右脉躁疾。肺熱眩暈。左右皆疾。肝肺太過。右脉

躁疾。燥火傷氣。左脉躁疾。燥火傷血。

【治療】左脉躁疾。厥陰掉眩者。柴胡清肝飲。右脉躁疾。肺熱上冲者。清肺飲。左右躁疾。肝肺太過者。瀉青各半湯。右手脉數。燥火傷氣者。竹葉石羔湯。左手脉數。燥火傷血者。歸芍大黃湯。

【方藥】柴胡清肝飲 見腹痛

清肺飲

瀉青各半湯 二方見咳嗽

竹葉石羔湯 見痰症

歸芍大黃湯

當歸身 白芍藥 川大黃 丹皮

■氣虛眩暈

【症象】氣虛即陽虛也。其人面色白。身無熱。神識清爽。言語輕微。二便清利。

時或虛陽上浮。頭面得火。眩暈不止。或熱手按之。則運乃定。

【原因】大病久病後。汗下太過。元氣耗散。或悲號冷引。以傷肺氣。曲運神機。以傷心氣。或惱怒傷肝。鬱結傷脾。入房傷腎。飢飽傷胃。

【診斷】脉浮而空。浮則爲氣。空則爲虛。右寸脉虛。肺氣不足。右關脉虛。中氣不足。左寸脉虛。心氣不足。左關脉虛。肝胆氣弱。兩尺脉虛。腎氣不足。

【治療】肺氣不足者。人參生脉散合四君子湯。中氣不足者。補中益氣湯。中氣虛寒而不能運化水穀者。理中湯。心氣不足者。酸棗仁湯。肝氣有傷者。逍遙散。腎氣不足。都氣丸。眞陽不足。虛陽上浮者。腎爲丸。加鹿角膠爲丸。攝伏降之。古方用一味鹿茸濃煎服。治眞陽虛者最效。

【方藥】人參生脉散 見霍亂

四君子湯

補中益氣湯

理中湯 上三方見痢疾

酸棗仁湯 見不得臥

逍遙散 見咳嗽

都氣丸 卽六味丸加五味子

腎氣丸 卽熱八味丸加車前子

血虛眩暈

【症象】血虛卽陰虛也。形體黑瘦。五心常熱。夜多盜汗。睡臥不甯。頭面火升。則眼花旋轉。火氣下降。則旋暈亦止。不比外感之常暈不休。不比痰火之暴發暴作。

【原因】陽絡傷。則血外溢上逆。陰絡傷。則血內溢下泄。凡此亡血成虛。而爲眩暈者。又有焦心勞思。憂愁鬱結。心脾傷而不能生血。或惱怒傷肝。相火內動。而煎熬血室。此陰血內耗。血海乾枯。而爲眩暈者也。



【診斷】脉多細濇。細而不數。血虛無熱。細而帶數。血虛有熱。左寸細濇。心血不足。左關細濇。肝不藏血。右關細濇。脾不統血。兩尺細數。腎陰枯竭。

【治療】血從下泄。傷於陰絡。血虛無火。脉細不數者。歸脾湯。補中益氣湯。心血不足。血虛無火。左寸細濇者。酸棗仁湯。心血不足。血虛有火。左寸細數者。天王補心丹。合安神丸。肝血不足。血虛無火。左關細濇者。逍遙散。血虛有火。左關細數者。知柏四物湯。陰脾不足。血虛無火。右關細濇者。歸脾湯。血虛有火。右關細數者。加味當歸補血湯。腎陰不足。水虛無熱。尺脉不數者。八味丸。水虛有火。尺脉洪數者。知柏天地煎。知柏肝腎丸。古方用玄武膠一味。陰虛火旺。最效。

【方藥】歸脾湯 見吐血

補中益氣湯 見痢疾

天王補心丹 見吐血